

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-11-4-3329-5/20

Datum: 12.10.2020. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-30-1-3751 od 22.09.2020. godine, u postupku javne nabavke potrošnog materijala za kriminalističku tehniku, forenzička ispitivanja i vještačenja, putem konkurentskog zahtjeva za dostavu ponuda, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU
O IZBORU NAJPOVOLJNIJEG PONUĐAČA I DODJELI OKVIRNOG SPORAZUMA

I

Prihvata se preporuka Komisije za sukcesivne javne nabavke i okvirni sporazum za javnu nabavku potrošnog materijala za kriminalističku tehniku, forenzička ispitivanja i vještačenja za potrebe Uprave policije Ministarstva unutrašnjih poslova Kantona Sarajevo dodjeljuje se ponuđaču:

- SHOT d.o.o. Zenica za ponuđenu cijenu od 39.365,00 KM bez PDV-a.

II

Postupkom javne nabavke predviđeno je potpisivanje Okvirnog sporazuma na period od 2 (dvije) godine. Okvirnim sporazumom Ugovorni organ i Dobavljač mogu u toku cijelog perioda na koji se sporazum zaključuje, zaključivati ugovore iz oblasti predmetne nabavke. Ukupna vrijednost pojedinačno zaključenih ugovora ne može biti veća od prihvaćene cijene ponude.

III

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog okvirnog sporazuma o nabavci dostavit će se na potpis izabranom ponuđaču SHOT d.o.o. Zenica po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

IV

Izabrani ponuđač dužan je da u roku od 5 (pet) dana od dana prijema ove odluke dostavi dokumente navedene u tačkama 12. i 13.2. tenderske dokumentacije, a koje se odnose na član 45. stav 2. tačka od a) do d) i na član 47. stav 1. tačka a).

Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

V

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-11-4-3329/20 od 25.08.2020. godine i Obavještenja o nabavci broj: 16475-7-1-69-3-65/20 od 26.08.2020. godine, proveden je postupak javne nabavke putem konkurentskog zahtjeva za dostavu ponuda za nabavku potrošnog materijala za kriminalističku tehniku, forenzička ispitivanja i vještačenja za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-3329/20 od 15.09.2020. godine, za aktivno učešće u postupku dostavljene su ponude ponuđača Shot d.o.o. Zenica i Primaprom d.o.o Banja Luka.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-11-4-3329-4/20 od 12.10.2020. godine, kojim je utvrdila sljedeće:

- da ponuda ponuđača Primaprom d.o.o. Banja Luka nije prihvatljiva. Navedeni ponuđač u svojoj ponudi nije dostavio Obrazac izjave o prihvatanju opštih i posebnih uslova tenderske dokumentacije (Aneks VIII), što nije u skladu sa tačkom 14. predmetne tenderske dokumentacije. Takođe, tačkom 13.3. tehnička i profesionalna sposobnost u postupku nabavke roba (član 49. Zakon) tenderske dokumentacije zahtjeva se: „U slučaju da se potvrda ne može iz objektivnih razloga dobiti od ugovorne strane koja nije ugovorni organ, važi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde obezbijede“. Ponuđač Priimaprom d.o.o. Banja Luka je dostavio izjavu i dokaz o učinjenom jednom pokušaju dobivanja potvrde od Uprave policije MUP-a USK-a. Shodno naprijed navednoj tački tenderske dokumentacije i člana 48. stav (2) i člana 49. stav (1) tačka a) Zakona o javnim nabavkama BiH ponuđač Primaprom d.o.o. Banja Luka nije zadovoljio ovaj uslov tenderske dokumentacije.

- da ponuda ponuđača Shot d.o.o. Zenica sadrži sve elemente tražene tenderskom dokumentacijom, odnosno da ispunjava sve formalno-pravne, ekonomske i tehničke uslove i shodno utvrđenom kriteriju “najniža cijena” ispunjava sve zahtjeve Ugovornog organa.

U postupku je podnesena samo jedna prihvatljiva ponuda, te postupajući u skladu sa članom 3., stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16) postupak se okončava primjenom člana 69. Zakona o javnim nabavkama.

Cijeneći naprijed navedeno, a u skladu sa Zapisnikom o pregledu i ocjeni ponuda riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa u roku od 5 (pet) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14).

POLICIJSKI KOMESAR
Generalni inspektor policije

Nusret Selimović

Dostaviti:

1. Komisiji za sukcesivne nabavke
2. Ponuđačima x2
3. Odjeljenju za odnose s javnošću, radi objave na web stranici ovog organa
4. a/a